

Cyf	Meysydd i'w gwella (Atodiad 2)	Sylwadau perthnasol AGGCC (Atodiad 2)	Trefniadau ar waith	Cyfrifoldeb
1.1	Gwelliannau yn yr arfer o amddiffyn oedolion agored i niwed	<p>6.6 - Mae diogelu'n flaenoriaeth i'r cyngor, ac mae wedi rhoi trefniadau corfforaethol ar waith i wella arferion diogelu. Mae angen iddo bellach roi newidiadau ar waith yn ei brosesau diogelu oedolion.</p> <p>6.7 - Yn ystod y flwyddyn, cafwyd 178 o atgyfeiriadau oedolion agored i niwed, chwech yn llai nag yn y flwyddyn flaenorol. O'r atgyfeiriadau hyn, cwblhawyd 100% ohonynt gyda'r risg yn cael ei reoli. Cyfrannodd y cyngor at Adolygiad o Arfer Gwasanaethau Oedolion, a nododd fod angen gwelliannau yn arferion amddiffyn oedolion agored i niwed y cyngor. Pan fyddant yn weithredol, bydd y rhain yn cynyddu ymwneud darparwyr gofal ac yn gwneud yr archwiliad a'i ganlyniad yn fwy eglur. Bydd diogelu oedolion yn faes y bydd AGGCC yn cymryd camau dilynol mewn perthynas ag ef yn 2015-2016.</p>	<p><i>Camau Gweithredu yn unol â maes gwella 2.1.</i></p> <p>Yn ogystal mae'n fwriad adolygu trefniadau gweithredol Diogelu yn sgil y newidiadau i'r strwythur staffio a'r dyletswyddau statudol newydd daw i rym yn Ebrill 2016. Bydd y gwaith yma yn cael ei arwain gan Dîm Rheoli Oedolion, Iechyd a Llesiant.</p>	Aled Davies
1.2	Moderneiddio gwasanaethau anabledau dysgu	<p>6.10 - .... Canfu'r cyngor fod angen moderneiddio ei wasanaethau anabledau dysgu a datblygu amrywiaeth o wasanaethau sy'n canolbwyntio ar y person i gynyddu annibyniaeth. Mae'r cyngor yn mabwysiadu'r model datblygu sy'n canolbwyntio ar y person ar gyfer gwasanaethau anabledau dysgu, ac mae hwn yn ceisio gwireddu dyheadau'n well wrth wneud pobl yn annibynnol. Mae'r agwedd hon yn hyrwyddo dysgu sgiliau newydd ac yn helpu pobl i wneud cymaint o bethau ag y gallant drostynt eu hunain. Mae hwn yn faes y bydd AGGCC yn cymryd camau dilynol mewn perthynas ag ef yn y flwyddyn i ddod. Yn ystod 2014-15, mae'r cyngor hefyd wedi ymgymryd ag adolygiad o wasanaethau i oedolion. Mae'r cyngor yn nodi y bydd yr adolygiad yn cael ei gyhoeddi ym mis Medi 2015.</p>	<p>Fel sydd wedi ei nodi yn yr adroddiad mae'r Arolygaeth yn mynd i gymryd camau dilynol yn ystod eleni. Un o'r prif gamau dan sylw yw'r archwiliad a gynhaliwyd yn Ionawr 2016. Mae'r archwiliad hwn yn rhan o raglen waith cenedlaethol ehangach ar draws Cymru. Rhagwelir felly y bydd argymhellion clir a chadarn yn cael eu cyflwyno ar gyfer y maes hwn, ac y byddem yn ymwybodol ohonynt yn Chwefror / Mawrth 2016. Bydd y Gwasanaeth yn manteisio'n llawn o fod yn cael barn yr arolygwyr ac yn sicrhau ein bod, os oes angen, yn gweithredu newidiadau mor fuan â phosib.</p>	Aled Davies
1.3	Strategaeth a gwasanaethau comisiynu iechyd meddwl	<p>6.10 - Mae'r cyngor wedi dechrau datblygu strategaeth comisiynu iechyd meddwl, a bydd gwasanaethau iechyd meddwl yn faes y bydd AGGCC yn cymryd camau dilynol mewn</p>	<p>Mae Bwrdd Prosiect wedi ei sefydlu i gyfarch materion gweithredol er mwyn sicrhau fod y Cyngor yn comisiynu gwasanaethau o safon sydd yn cwrdd ag anghenion unigolion tra bod yn fforddiadwy ac yn cwrdd â chyfrifoldebau statudol.</p>	Aled Davies

Cyf	Meysydd i'w gwella (Atodiad 2)	Sylwadau perthnasol AGGCC (Atodiad 2)	Trefniadau ar waith	Cyfrifoldeb
		perthynas ag ef yn 2015-2016.....	<p>Mae gwaith wedi cychwyn o adolygu'r holl brosesau comisiynu gwasanaethau yn y maes er mwyn sicrhau fod gwasanaethau yn cynnig gwerth am arian ac yn gost effeithiol wrth gwrdd â safonau disgwylidig</p> <p>Mae prosesau caffael cadarn wedi eu cytuno ac yn cael eu dilyn wrth gomisiynu'r holl wasanaethau iechyd meddwl er mwyn sicrhau gwerth am arian.</p> <p>Dros y 12 mis sydd i ddos fydd y prosiect hefyd yn blaenoriaethu adolygiadau yn edrych yn benodol ar:</p> <ul style="list-style-type: none"> <li>• Gweithwyr Cefnogol</li> <li>• Gofal Preswyl a Nyrsio</li> <li>• Llety Cefnogol</li> </ul> <p>Er mwyn sicrhau fod trefniadau newydd mewn lle sy'n cwrdd ar ofynion statudol.</p>	
2.1	Diogelu oedolion	<p>6.6 - Mae diogelu'n flaenoriaeth i'r cyngor, ac mae wedi rhoi trefniadau corfforaethol ar waith i wella arferion diogelu. Mae angen iddo bellach roi newidiadau ar waith yn ei brosesau diogelu oedolion....</p> <p>6.7 - Yn ystod y flwyddyn, cafwyd 178 o atgyfeiriadau oedolion agored i niwed, chwech yn llai nag yn y flwyddyn flaenorol. O'r atgyfeiriadau hyn, cwblhawyd 100% ohonynt gyda'r risg yn cael ei reoli. Cyfrannodd y cyngor at Adolygiad o Arfer Gwasanaethau Oedolion, a nododd fod angen gwelliannau yn arferion amddiffyn oedolion agored i niwed y cyngor. Pan fyddant yn weithredol, bydd y rhain yn cynyddu ymwneud darparwyr gofal ac yn gwneud yr archwiliad a'i ganlyniad yn fwy eglur. Bydd diogelu oedolion yn faes y bydd AGGCC yn cymryd camau dilynol mewn perthynas ag ef yn 2015-2016.</p>	<p>Fel sydd wedi cael ei nodi yn yr adroddiad mae Diogelu'n flaenoriaeth i'r Cyngor. Trwy adolygu'r Cynllun Strategol ym mis Gorffennaf eleni comisiynwyd tri phrosiect trawsfurfiol yn y maes. Mae'r prosiectau hyn wedi eu comisiynu mewn ymateb i rai o'r heriau flwyddyn ddiwethaf. Yn benodol o ran y maes Oedolion mae'r prosiect isod wedi ei gomisiynu.</p> <p><b>D3 - Diogelu oedolion bregus</b></p> <p>Pwrpas y prosiect yw anelu i wella yn barhaus y trefniadau a diwylliant diogelu o fewn y maes oedolion. Erbyn diwedd Mawrth 2016, fe fydd y prosiect yn benodol wedi ymateb i argymhellion Adroddiad Winterbourne a hefyd adroddiad y Comisiynydd Pobl Hŷn "Lle i alw'n gartref" gan:</p> <ul style="list-style-type: none"> <li>• Ddatblygu ystod o wahanol ddulliau lle gall unigolion cael eu clywed</li> <li>• Adnabod a oes defnydd addas o eiriolaeth a cheisio ymateb i unrhyw ddiffygion</li> <li>• Ddarparu tystiolaeth bod y grwpiau corfforaethol yn gallu dangos eu bod yn gwrandao ar lais oedolion bregus</li> </ul> <p>Bydd cynnydd y prosiect hwn yn cael ei adrodd arno trwy drefniadau rheoli perfformiad y Cyngor, sydd ar hyn o bryd yn adrodd mewn cylch o 12 wythnos.</p> <p>Ymhellach i'r comisiwn gwreiddiol yn y Cynllun Strategol, mae'r Panel Strategol Diogelu Plant ac Oedolion Bregus wedi gofyn i Arweinydd Prosiect D3 sicrhau ei fod yn cynnwys unrhyw</p>	Aled Davies

Cyf	Meysydd i'w gwella (Atodiad 2)	Sylwadau perthnasol AGGCC (Atodiad 2)	Trefniadau ar waith	Cyfrifoldeb
			<p>argymhellion o Adolygiadau Arfer Gwasanaethau (APR - <i>Adult Practice Review</i>).</p> <p>Yn ymarferol o ran diogelu mae'r uned Diogelu wedi ei sefydlu wrth gwrs ac mae'r uned honno yn weithredol ar draws yr adrannau 'Plant a Chefnogi Teuluoedd' a 'Oedolion, Iechyd a Llesiant'. Mae'r Uned wedi ei lleoli o fewn yr adran Plant a Chefnogi Teuluoedd ac mae'r trefniadau rhwng yr uned hon a strwythur newydd yr Adran Oedolion Iechyd a Llesiant yn y broses o'i chadarnhau. Anelir i gadarnhau'r trefniadau erbyn Ebrill 2016.</p>	
2.2	Cymorth i ofalwyr	<p>6.14 - Fe wnaeth y cyngor asesu neu adolygu anghenion 241 o ofalwyr oedolion yn 2014-2015, sy'n ostyngiad o'r 298 o ofalwyr a gawsant eu hasesu yn ystod y flwyddyn flaenorol. Mae hyn yn destun pryder gan fod nifer y rhai sy'n gofalu am oedolion sy'n derbyn asesiad o'u hanghenion eu hunain wedi codi dros y pedair blynedd diwethaf yng Nghymru, er bod y nifer wedi cwmpo'n barhaus yng Ngwynedd. Nifer y gofalwyr oedolion a gawsant eu hasesu neu eu hail-asesu ar eu hawl eu hunain yn ystod y flwyddyn y darparwyd gwasanaeth ar eu cyfer yn ystod y flwyddyn oedd 132.</p>	<p>Bwriedir cynnal adolygiad o drefniadau cefnogi gofalwyr di dal yng Ngwynedd. Mae pwysau cynyddol yn debygol o fod ar ein gofalwyr di dal yma yng Ngwynedd i'r dyfodol ac yn benodol o fewn y maes gofal oedolion. Mae'n hanfodol fod y gefnogaeth addas ar gael iddynt os ydym am sicrhau y gallwn wireddu ein gweledigaeth i gefnogi fwy fwy o bobl i fyw yn eu cartrefi eu hunain. Felly mae angen sicrhau bod gennym y trefniadau cywir i fod yn eu cefnogi a'n bod yn glir o'r math o gefnogaeth sydd angen ei ddatblygu os oes diffygion.</p> <p>Erbyn diwedd Mawrth 2017 byddwn felly wedi adolygu pa mor effeithiol yw ein trefniadau cyfredol ar gyfer cefnogi gofalwyr di dal ac, os oes angen, wedi penderfynu ar yr ymyraethau ychwanegol sydd eu hangen i gynnal gofalwyr i'r dyfodol. Penderfynwyd gwneud y darn yma o waith i asesu beth, os o gwbl, sydd angen ei wneud yn wahanol.</p> <p>Bwriedir canolbwyntio ar y maes Oedolion, ond dylid sicrhau nad ydym anghofio am y gofalwyr ifanc rheini. Byddwn yn ystyried y briff yn fanylach yn ystod yr wythnosau nesaf ac yn penderfynu beth yn union ddylid ei gynnwys o ran yr Adolygiad.</p> <p>O ran datblygu manylder y briff, gobeithir cael mewnbwn rhai o aelodau'r pwyllgor Craffu Gwasanaethau.</p> <p>Yn benodol o ran asesiadau:</p> <ul style="list-style-type: none"> <li>• Dylid nodi nad yw nifer o asesiadau a wnaethpwyd yn adlewyrchu'r nifer a gynigwyd. Nid yw'r rhai sy'n gwrthod asesiad yn cael eu cofnodi</li> <li>• Mae Cerdyn Argyfwng Gofalwyr Gwynedd ar gael bellach ynghyd â llyfryn gwybodaeth newydd <i>Canllaw o ofalwyr: a fydddech yn gallu ymdopi mewn argyfwng?</i></li> <li>• Mae'r cerdyn ar gael yn dilyn asesiad gofalwyr. Mae'n bosib fod hyn wedi arwain at gynnydd yn nifer yr asesiadau.</li> <li>• Bwriedir adolygu'r ffurflen asesiad presennol er mwyn ei</li> </ul>	Aled Davies

Cyf	Meysydd i'w gwella (Atodiad 2)	Sylwadau perthnasol AGGCC (Atodiad 2)	Trefniadau ar waith	Cyfrifoldeb
			<p>symleiddio.</p> <ul style="list-style-type: none"> <li>Rydym yn cydweithio gyda'r trydydd sector a'r sector preifat i wella darpariaeth seibiant yn y cartref.</li> <li>Mae rhestr aros am asesiadau mewn yn ardal oherwydd diffyg capasiti.</li> </ul>	
3.1	Amseroldeb asesiadau cychwynnol	6.21 - Mae perfformiad o ran amseroldeb asesiadau cychwynnol wedi gwella, ond mae'n dal i fod yn is na'r cyfartaledd yng Nghymru (70% o'i gymharu â 76%), ac mae'n dal yn faes y mae angen i'r cyngor ei wella.	Mae cynnal gwelliant parhaus yn y maes hwn yn parhau i fod yn flaenoriaeth i'r Adran. Mae perfformiad yn ystod dau chwarter cyntaf 15/16 wedi ei gynnal gyda 70.6% o asesiadau cychwynnol yn digwydd o fewn amserlen yn y chwarter cyntaf a 72.5% yn ystod yr ail chwarter, felly mae'r gwasanaeth yn nesáu tuag at y canran cenedlaethol a'r targed a osodwyd yn fewnol, sef rhwng 73% ac 80%. Mae'r Adran yn casglu gwybodaeth ynglŷn â'r rhesymau pam nad yw asesiadau yn cael eu cynnal ar amser ac nid oes unrhyw reswm penodol nodweddiadol yn sefyll allan, ond yn hytrach mae'n gyfuniad o resymau e.e. teulu ddim yn cadw'r apwyntiad, dim modd trefnu gyda'r teulu o fewn y saith diwrnod gwaith, pwysau gwaith, gwybodaeth ddim yn gyflawn er mwyn cau'r asesiad ac yn y blaen. Mae'r Uwch reolwr yn monitro perfformiad yn erbyn y dangosydd yma yn rheolaidd ac yn adrodd i Uwch Dim Rheoli'r gwasanaeth.	Marian Parry Hughes
3.2	Amseroldeb cynadleddau amddiffyn plant	6.23 - Roedd nifer y plant ar y gofrestr amddiffyn plant ar ddiwedd y flwyddyn yn debyg i'r tair blynedd diwethaf yn dilyn cynnydd yn 2012-2013. Mae perfformiad y cyngor o ran cynnal cynadleddau amddiffyn plant cychwynnol wedi gwella fymryn, ond mae'n is na'r cyfartaledd yng Nghymru (85% o'i gymharu â 93%). Cafwyd cwmp hfyd ym mherfformiad y cyngor o ran cynnal adolygiadau statudol a chynadleddau adolygu amddiffyn plant. Cyfrannodd colli'r cydlynnydd amddiffyn plant a salwch staff at y cwmp mewn perfformiad yn y meysydd hyn. Mae amseroldeb cynadleddau amddiffyn plant yn dal i fod yn faes sydd angen ei wella. Hefyd, mae angen i'r cyngor gynnal a gwella amseroldeb adolygiadau plant sy'n derbyn gofal, sy'n cael eu rheoli gan yr uned diogelu ac ansawdd ar hyn o bryd.	<p>Yn ystod dau chwarter cyntaf 15/16, mae cynnydd wedi bod yn y niferoedd o blant sydd wedi eu cynnwys ar Gofrestr Amddiffyn Plant Gwynedd o 83 ar ddiwedd chwarter 2 14/15 i 98 ar ddiwedd chwarter 2 15/16. Mae hyn yn dilyn y patrwm cenedlaethol ar hyn o bryd, ond mae yn cynyddu pwysau ar y gwasanaeth o ran capasiti i gadeirio a chynnal cynadleddau o fewn yr amserlenni a nodir yn y canllawiau cenedlaethol. Mae gennym un cydlynnydd a chadeirydd amddiffyn plant, ac erbyn hyn rydym wedi rhyddhau adnodd rhan amser i'w chynorthwyo o'r adnodd swyddogion adolygu annibynnol ar gyfer plant mewn gofal. Yn ystod chwarter 2 eleni cynhaliwyd cyfanswm o 66 o gynadleddau amddiffyn plant (cychwynnol, adolygol a throsglwyddo) ac roedd 87.9% o fewn amserlen. Mae'r gwasanaeth yn cadw llygad barcud ar berfformiad yn y maes yma ac yn cadw gwybodaeth fanwl am y rhesymau pam nad ydi rhai cynadleddau yn digwydd o fewn amserlen. Fel uchod, nid oes unrhyw reswm penodol, nodweddiadol yn arddangos ei hun ond mae'n gyfuniad o resymau e.e. teulu ddim ar gael i fynychu, dim cworwm proffesiynol (gofyn statudol ar gyfer proses benderfynu). Mae'r materion o ran diffyg cworwm wedi ei godi gydag asiantaethau penodol ac yn y Grŵp gweithredol diogelu ar draws Gwynedd a Môn, ac mae yn derbyn sylw gan yr heddlu yn benodol i geisio gwella'r sefyllfa.</p> <p>Mae perfformiad adolygiadau statudol plant mewn gofal wedi gwella yn sylweddol dros gyfnod o flynyddoedd Mae niferoedd plant mewn gofal yng Ngwynedd wedi cynyddu yn ystod 15/16 - o</p>	Marian Parry Hughes

Cyf	Meysydd i'w gwella (Atodiad 2)	Sylwadau perthnasol AGGCC (Atodiad 2)	Trefniadau ar waith	Cyfrifoldeb
			186 ar ddiwedd chwarter 1 i 202 ar ddiwedd chwarter 2. Mae hyn yn gynydd sylweddol ac mae yn rhoi pwysau ychwanegol ar swyddogion adolygu annibynnol sydd yn cadeirio holl adolygiadau plant mewn gofal. O ystyried mai'r argymhelliad ymarfer da cenedlaethol ar gyfer swyddogion adolygu annibynnol yw eu bod yn dal oddeutu 50 achos yr un ar gyfer adolygu, mae'r swyddogion sydd gennym mewn lle (2.6FTE) yn gweithio yn llawer uwch na'u capasiti. Er hynny mae perfformiad chwarter 1 a 2 eleni yn galonogol gan fod perfformiad o ran amseroldeb yn 89.4% ar ddiwedd chwarter 1 a 91.3% ar ddiwedd chwarter 2.	
3.3	Amseroldeb adolygiadau amddiffyn plant	6.23 - Roedd nifer y plant ar y gofrestr amddiffyn plant ar ddiwedd y flwyddyn yn debyg i'r tair blynedd diwethaf yn dilyn cynnydd yn 2012-2013. Mae perfformiad y cyngor o ran cynnal cynadleddau amddiffyn plant cychwynnol wedi gwella fymryn, ond mae'n is na'r cyfartaledd yng Nghymru (85% o'i gymharu â 93%). Cafwyd cwmp hefyd ym mherfformiad y cyngor o ran cynnal adolygiadau statudol a chynadleddau adolygu amddiffyn plant. Cyfrannodd colli'r cydlynnydd amddiffyn plant a salwch staff at y cwmp mewn perfformiad yn y meysydd hyn. Mae amseroldeb cynadleddau amddiffyn plant yn dal i fod yn faes sydd angen ei wella. Hefyd, mae angen i'r cyngor gynnal a gwella amseroldeb adolygiadau plant sy'n derbyn gofal, sy'n cael eu rheoli gan yr uned diogelu ac ansawdd ar hyn o bryd.	Fel y nodir uchod yn 3.2 mae cynnal cynadleddau adolygol amddiffyn plant o fewn amserlen yn her yn bresennol am y rhesymau a nodir uchod. Mae perfformiad chwarter 1 a 2 wedi bod yn heriol – 71% ar ddiwedd chwarter 1 a 77% ar ddiwedd chwarter 2. Mae dangosyddion mesur presenoldeb cynadleddau achos amddiffyn plant yn dangos fod gweithwyr cymdeithasol yn bresennol yn 100% ohonynt, ond fod her i sicrhau fod cworwm o asiantaethau partneriaid ymhob cynhadledd adolygol. Pan nad oes cworwm mae'r cadeirydd yn gorfod gwneud penderfyniad i unai barhau a'r gynhadledd neu i ohirio hyd nes bydd cynrychiolaeth gofynnol yn bresennol er mwyn gwneud penderfyniad. Mae'r materion yma yn derbyn sylw penodol gyda'r asiantaethau hynny ar lefel weithredol a strategol.	Marian Parry Hughes
3.4	Amseroldeb asesiadau iechyd i blant sy'n derbyn gofal	6.31 - Dim ond gwelliannau bach a wnaed gan y cyngor o ran canran y plant sy'n derbyn gofal sy'n derbyn asesiad iechyd yn ystod y flwyddyn, ac mae hwn yn dal yn sylweddol is na chyfartaledd Cymru (51% o'i gymharu ag 81%).	Mae'r gwasanaeth wedi bod yn cydweithio gyda Bwrdd Iechyd Prifysgol Betsi Cadwaladr ers nifer o flynyddoedd i geisio datrys y problemau o ran cynnal asesiadau iechyd ar gyfer plant mewn gofal yn amserol. Mae'r Panel Rhiant Corfforaethol wedi bod yn dal y Bwrdd Iechyd i gyfrif er mwyn herio ymarfer a sicrhau fod gwelliannau yn y drefn yn digwydd. Er hynny, mae'r cynnydd wedi bod yn hynod o siomedig, ond yn ystod y flwyddyn hon rydym yn gweld gwelliant yn y perfformiad yn erbyn y dangosydd hwn gan fod canlyniadau chwarter 1 yn dangos fod 60.7% wedi eu cynnal o fewn amser a 63.4% ar ddiwedd chwarter 2. Mae hyn yn galonogol ac wedi cyrraedd y targed a osodwyd yn lleol (60%). Mae yn parhau i fod yn is na chyfartaledd Cymru, ond rydym o'r farn ein bod wedi datrys y problemau mwyaf o ran trefniadau a phrosesau er mwyn gweld cynnydd parhaus.	Marian Parry Hughes
		7.8 - Mae sylw corfforaethol wedi ei roi i gefnogi	Mae'r prosiectau trawsffurfiol sydd wedi eu comisiynu trwy'r Cynllun	Aled Davies /

Cyf	Meysydd i'w gwella (Atodiad 2)	Sylwadau perthnasol AGGCC (Atodiad 2)	Trefniadau ar waith	Cyfrifoldeb
4.1	Gweithredu rhaglenni moderneiddio	<p>moderneiddio gwasanaethau cymdeithasol ac ymateb i'r Ddeddf. Mae'r ddau adolygiad sylweddol o drefniadau gweithredol mewn gwasanaethau plant ac oedolion wedi cael eu cefnogi gan y gwasanaeth corfforaethol. Mae'r strwythur adrannol newid wedi caniatáu aliniad agosach rhwng gwasanaethau cymdeithasol plant a gwasanaethau ataliol.</p>	<p>Strategol yn derbyn cefnogaeth a chraffu trwy drefniadau Paneli Cyflawni'r Cyngor, ble mae arweinydd y prosiect yn adrodd ar gynnydd y prosiectau yn erbyn y cerrig milltir sydd wedi eu cytuno. Yn dilyn hyn mae'r Aelod Cabinet perthnasol yn adrodd ar berfformiad y prosiectau trawsffurfiol i'r Cabinet mewn cylch 12 wythnos. Mae'r prosiectau trawsffurfiol sydd wedi eu comisiynu yn rhoi sylw i newidiadau mewn ymarfer a chyfrifoldebau - a hynny o fewn disgwyliadau'r ddeddf.</p> <p>Yn benodol yn y maes Oedolion mae'r prosiectau canlynol:</p> <p><b>G1 – Her Gofal</b> – Ceisio sicrhau fod pobl yn glir o'r her sy'n ein hwynebu i ysgogi a chefnogi cymunedau i gyfrannu drwy weithio'n gymunedol.</p> <p><b>G2 – Gweithio'n integredig ar yr hyn sy'n cyfri i unigolion</b> – Ail ddylunio ein ffordd gyfredol o weithio.</p> <p><b>G3 – Ail-strwythuro Adran Oedolion Iechyd a Llesiant</b> - Sicrhau fod strwythur staffio'r adran yn addas ar gyfer y dyfodol.</p> <p>Yn benodol yn y maes Plant mae'r prosiect canlynol:</p> <p><b>P9 – Sicrhau ystod o wasanaethau ataliol ar gyfer grwpiau o blant a phobl ifanc bregus Gwynedd</b> – Darparu cefnogaeth ar gyfer grwpiau bregus o blant a phobl ifanc er mwyn eu galluogi i fyw yn annibynnol heb orfod bod yn ddibynnol ar wasanaethau statudol.</p> <p>Yn ogystal â hyn mae trefniadau rheolaeth rhaglen mewn lle yn y maes Oedolion er mwyn sicrhau fod trefniant ac atebolrwydd clir mewn lle i fod yn arwain newid sylweddol yn y maes.</p> <p>Bydd y gefnogaeth gorfforaethol yn parhau er mwyn gweithredu rhaglenni moderneiddio yn y maes gofal.</p>	Marian Parry Hughes
4.2	Craffu a goruchwyllo rhoi rhaglenni moderneiddio ar waith	<p>1.5 - Bydd y newidiadau a fwriedir mewn gwasanaethau cymdeithasol yn gofyn am newid mewn arfer a diwylliant sefydledig. Mae natur a graddfa'r newidiadau mae gwasanaethau cymdeithasol yn eu hwynebu ar hyn o bryd yn achosi risgiau sylweddol y bydd angen lefel uchel o graffu a chymorth arnynt er mwyn eu cyflenwi mewn dull amserol. Dylai'r trefniadau newydd, gydag aelod cabinet ar gyfer oedolion ac iechyd ac aelod cabinet ar gyfer plant a phobl ifanc, ei gwneud yn haws i weld y datblygiadau gwasanaeth newydd ac i</p>	<p>Fel sydd wedi ei nodi yn yr adroddiad, bydd cefnogaeth dau Aelod Cabinet yn y maes hwn yn allweddol i sicrhau llwyddiant y rhaglenni moderneiddio. Mae'r ddau aelod wrth gwrs yn atebol am y newid sydd yn digwydd o fewn eu meysydd ond hefyd, fel rhan o drefniadau rheoli perfformiad y Cyngor, yn craffu'n barhaus gan gynnig cefnogaeth lle bo angen. Mae hyn yn cael ei wneud yn ffurfiol trwy'r Paneli Cyflawni a'r Panel Strategol Diogelu. Yn ogystal, mae'r Pwyllgor Craffu Gwasanaethau yn craffu'r prif raglenni trawsffurfio'r maes - megis <b>G2 - Gweithio'n integredig ar yr hyn sy'n cyfri i unigolion.</b></p> <p>Fel rhan o'r newid diwylliant sydd ar waith yn y Cyngor, o fod yn</p>	Awen Morwena Edwards

Cyf	Meysydd i'w gwella (Atodiad 2)	Sylwadau perthnasol AGGCC (Atodiad 2)	Trefniadau ar waith	Cyfrifoldeb
		ymgysylltu â'r bwrdd iechyd.	sicrhau ein bod yn rhoi pobl Gwynedd yn ganolog i bopeth wnawn, rydym yn anelu at gael sefydliad sydd yn craffu'n barhaus ein penderfyniadau.	